



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e – mail: info@voda.ba

Broj: **UP-1/21-1-40-571-5/22**

Datum: **15.11.2022. godine**

„Agencija za vodno područje rijeke Save“ Sarajevo, rješavajući po zahtjevu Investitora „Geomet“ d.o.o. Olovo za izdavanje Rješenja o prethodnoj vodnoj saglasnosti za provođenja detaljnih geoloških istraživanja i ispitivanja mineralne sirovine na reviru Prgoševo, općina Olovo, u granicama odobrenog koncesionog prostora, a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine olova-ceruzita, na osnovu člana 139. stav (1) tačka 10. Zakona o vodama („Službene novine Federacije BiH“, br. 70/06 i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22) donosi

RJEŠENJE

o prethodnoj vodnoj saglasnosti

1. Daje se prethodna vodna saglasnost Investitoru „Geomet“ d.o.o. Olovo za provođenja detaljnih geoloških istraživanja i ispitivanja mineralne sirovine na reviru Prgoševo, općina Olovo, u granicama odobrenog koncesionog prostora, a u cilju proučavanja istražnih prostora te definisanja kvantitativno-kvalitativnih karakteristika mineralne sirovine olova-ceruzita.
2. Ovaj vodni akt se ne odnosi na aktivnosti eksploatacije mineralne sirovine na predmetnom lokalitetu.
3. Ova prethodna vodna saglasnost daje se za aktivnost provođenja detaljnih geoloških istražnih radova i ispitivanja na lokalitetu Prgoševo, općina Olovo koja se ne smatraju građenjem, ali mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti za istražne radove na predmetnom lokalitetu.
4. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
5. Prethodna vodna saglasnost se daje pod slijedećim uslovima:
 - 5.1. Realizaciju projektovanih aktivnosti na terenu vršiti prema projektnoj dokumentaciji: Projekat geoloških istraživanja na lokalitetu Prgoševo u ležištu olova-ceruzita u općini Olovo urađen od strane Geomet d.o.o. Olovo, oktobar 2021. godine, broj: 0710021-1387.
 - 5.2. Izvođač radova je u obavezi da projektovana istraživanja vrši prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.
 - 5.3. Prije započinjanja radova nosilac prava iz ovog rješenja dužan je riješiti imovinske i pravne odnose sa vlasnikom zemljišta na lokalitetu na kome će se vršiti istraživanja kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica za dionice koje će se koristiti prilikom izvođenja ovih aktivnosti.
 - 5.4. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.

- 5.5. Ukoliko se na prostoru predmetnog istražnog polja planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.
- 5.6. Na prostoru istražnog polja nije dozvoljeno servisiranje mehanizacije i vozila.
- 5.7. Na istražnom polju je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).
- 5.8. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.
- 5.9. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.
- 5.10. Nakon realizacije projektovanih aktivnosti na terenu investitor je u obavezi da izvrši rekultivaciju zemljišta, tj dovede istražne prostore u prvobitno stanje.
6. Nakon izrade dokumentacije o rezultatima provedenih detaljnih geoloških istražnih radova i ispitivanja mineralne sirovine olova-ceruzita na reviru Prgoševo, općina Olovo a u cilju proučavanja istražnih prostora te definisanja kvantitativno-kvalitativnih karakteristika mineralne sirovine, a prije početka eksploatacije mineralnih sirovina na predmetnim lokalitetima, investitor će zatražiti izdavanje prethodne vodne saglasnosti za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije ležišta mineralne sirovine.
7. Zahtjev za izdavanje prethodne vodne saglasnosti dostavlja se u skladu sa članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22).
8. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „Geomet“ d.o.o. Olovo podnio je zahtjev za izdavanje Rješenja o prethodnoj vodnoj saglasnosti za provođenja detaljnih geoloških istraživanja i ispitivanja mineralne sirovine olova-ceruzita na reviru Prgoševo, općina Olovo, u granicama odobrenog koncesionog prostora, a u cilju proučavanja istražnih prostora te definisanja kvantitativno-kvalitativnih karakteristika mineralne sirovine.

Uz zahtjev je dostavljena sljedeća dokumentacija:

- Aktuelni izvod iz sudskog registra, broj:043-0-RegZ-22-001123 od 18.04.2022. godine izdat od strane Općinskog suda u Zenici – ovjerena kopija,
- Uvjerjenje o registraciji poreznog obveznika od 18.08.2014. godine izdato od strane Kantonalnog poreznog ureda Zenica – ovjerena kopija,
- Uvjerjenje o registraciji/upisu u Jedinostveni registar obveznika indirektnih poreza, broj: 04/1-17-1-1-UPJR/1-5388-2/14 od 29.08.2014. godine izdato od strane Uprave za indirektno-neizravno oporezivanje Banja Luka - ovjerena kopija,
- Ugovor o koncesiji, broj:04-18-15242-1/12 od 20.07.2012. godine potpisan sa Ministarstvom za privredu Zeničko-dobojskog kantona – ovjerena kopija,
- Rješenje o urbanističkoj saglasnosti, broj: 12-19-3144/22 od 26.07.2022. godine izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona – ovjerena kopija,
- Kopija katastarskog plana, Ur broj: 04-26-11-13-359/2022-1 od 28.03.2022. godine izdata od strane Službe za ekonomske poslove Općine Olovo – ovjerena kopija,

- Zemljišnoknjižni izvadak, Katastarska općina:Dolovi, broj: 041-0-NAR-22-019 201
Zemljišnoknjižni uložak broj: 187 izdat od strane Općinskog suda u Visokom – ovjerena kopija,

- Zemljišnoknjižni izvadak, Katastarska općina:Dolovi, broj: 041-0-NAR-22-019 872
Zemljišnoknjižni uložak broj: 189 izdat od strane Općinskog suda u Visokom – ovjerena kopija,

- Zemljišnoknjižni izvadak, Katastarska općina:Dolovi, broj: 041-0-NAR-22-019 873
Zemljišnoknjižni uložak broj: 219 izdat od strane Općinskog suda u Visokom – ovjerena kopija,

- Zemljišnoknjižni izvadak, Katastarska općina:Dolovi, broj: 041-0-NAR-22-019 871
Zemljišnoknjižni uložak broj: 224 izdat od strane Općinskog suda u Visokom – ovjerena kopija,

- Dokaz o uplaćenju federalnoj upravnoj pristojbi na zahtjev,

- Projekat geoloških istraživanja na lokalitetu Prgoševo u ležištu olova-ceruzita u općini Olovo urađen od strane Geomet d.o.o. Olovo, oktobar 2021. godine, broj: 0710021-1387.
Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 1. Pravilnika o sadržaju, obliku, uslovima i načinu izdavanja i čuvanja vodnih akata (Sl. novine FBiH», broj 41/20), bio oglašen dana 26.10.2022. godine, na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa. U provedenom postupku konstatovali smo sljedeće:

- Konceptija istraživanja ležišta rude olova - ceruzita zasniva se na optimalnom projektovanju i izvođenju istražnih radova, kako bi se što realnije utvrdile debljine rudnih žica i sadržaj olova u njima, a sve u cilju veće pouzdanosti podataka i pre kategorizacije rezervi.
- Za potrebe buduće eksploatacije ležišta revira Prgoševo, neophodno je istražiti niže nivoe rudnih žica 1, 2 i 23. Istraživanja će se realizovati fazno i ogledat će se u istražnom bušenju sa površine terena i jamskim bušenjem.
- Geološki radovi će se ogledati u sljedećim aktivnostima: izrada 72 istražne bušotine ukupne duljine 8000 m, kartiranje svih istražnih bušotina, izrada 33 istražne komore, oprobavanje za laboratorijska ispitivanja, hemijske analize, mineraloško-petrografske analize. Svi izvedeni istražni radovi biti će detaljno iskartirani i nanešeni na geološke planove i profile. Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem u skladu sa Zakonom o geološkim istraživanjima Federacije BiH (Sl. novine FBiH br. 09/10, 14/10), Pravilnikom o sadržini projekata i elaborata geoloških istraživanja (Sl.list R BiH br. 16/93), Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima (Sl. novine FBiH br. 85/17).

Istraživanja imaju karakter detaljnih geoloških istraživanja u smislu Zakona o geološkim istraživanjima („Službene novine F BiH“ broj:9/10 i 14/10).

Na osnovu prednjeg i provedenog postupka, a shodno članu 111. Zakona o vodama, članovima 5. i 17. stav 1. tačka 16. Pravilnika o sadržaju, obliku, uslovima, načinu izdavanja i čuvanja vodnih akata, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 5. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izvođenja istražnih radova mineralne olova-ceruzita na lokalitetu Prgoševo, općina Olovo.

Podnosilac zahtjeva je izvršio uplatu posebnih troškova koji su nastali u postupku donošenja rješenje o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-I/25-1-40-571-4/22 od 14.11.2022. godine.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.inž.građ.

Dostaviti:

- „Geomet“ d.o.o. Olovo
- Husein kapetana Gradašćevića bb, Olovo,
- AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava